

**Razvojna banka Federacije  
Bosne i Hercegovine  
Predsjednica Uprave**

Broj: 7400-III/23  
Sarajevo, 26.06.2023. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), preporuke Komisije za nabavke iz Zapisnika o pregledu i ocjeni ponuda broj 7329-XI/23 od 23.06.2023. godine i člana 20. Statuta Razvojne banke Federacije Bosne i Hercegovine, Predsjednica Uprave Razvojne banke Federacije BiH donosi

**ODLUKU**

**o izboru najpovoljnijeg ponuđača u postupku javne nabavke radova- nabavka i ugradnja pregrada od rigipsa sa izolacijom u zgradi Razvojne banke Federacije BiH**

**I**

Prihvata se preporuka Komisije za nabavke iz Zapisnika o pregledu i ocijeni ponuda broj 7329-XI/23 od 23.06.2023.godine i Ugovor o nabavci i ugradnji pregrada od rigipsa sa izolacijom u zgradi Razvojne banke Federacije BiH dodjeljuje se ponuđaču "KULA MONT" d.o.o. Zenica, Bilimišće 101, 72000 Zenica, kao najpovoljnijem ponuđaču u konkurentskom zahtjevu za dostavu ponuda.

**II**

Ukupna ponuđena cijena radova iz člana 1. ove odluke, iznosi 8.500,00 KM bez PDV-a, što u konačnici, s uračunatim PDV-om, iznosi 9.945,00 KM.

**III**

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

**IV**

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici [www.rfbih.ba](http://www.rfbih.ba), istovremeno s upućivanjem iste ponuđačima koji su sudjelovali u ovom postupku.

**V**

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

## OBRAZLOŽENJE

Odlukom broj 5891-III/23 od 23.5.2023.godine o nabavci i pokretanju postupka javne nabavke i ugradnje pregrada od rigipsa sa izolacijom u zgradi Razvojne banke Federacije BiH, pokrenut je predmetni postupak. Javna nabavka je provedena putem Konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 9.500,00 KM.

Obavještenje o nabavci predmetnih radova objavljeno je na Portalu javnih nabavki dana 29.05.2023. godine, broj obavještenja: 1011-7-3-95-3-36/23 (*Službeni Glasnik BiH broj:40/23*).

Tenderska dokumentacija objavljena je zajedno sa obavještenjem.

Odlukom Ugovornog organa o imenovanju Komisije za nabavke Razvojne banke Federacije BiH broj 3286-III/22 od 14.03.2022. godine, Odlukom o izmjeni Odluke o imenovanju Komisije za nabavke Razvojne banke Federacije BiH broj 4111-III/22 od 29.03.2022. godine, Odlukom o izmjeni Odlukom o imenovanju Komisije za nabavke Razvojne banke Federacije BiH broj 7144-III/22 od 10.06.2022. godine i Odlukom o dopuni Odluke o imenovanju Komisije za nabavke Razvojne banke Federacije BiH broj 8822-III/22 od 21.07.2022. godine, imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke u okviru svojih nadležnosti i ovlaštenja je provela predmetni postupak nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda u kojem je utvrđeno da su evidentirane i blagovremeno zaprimljene 3 (tri) ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	„KULA MONT“ d.o.o. Zenica, Bilimišće 101, Zenica	07.06.2023. godine u 10:30 h	9.455,00	0,00	9.455,00
2.	„M.D.I.“ d.o.o. Sarajevo, ul. Trg 22. Aprila broj 114, Sarajevo, Ilidža	09.06.2023. godine u 10:25 h	11.092,77	1.611,77	11.092,77
3.	„GP TECTA“ d.o.o. Travnik, Dolac na Lašvi b.b., Travnik	09.06.2023. godine u 10:50 h	9.450,00	0,00	9.450,00

Na osnovu izvršene analize i ocjene pristiglih ponuda, Komisija je utvrdila da su 2 (dvije) ponude prihvatljive i 1 (jedna) ponuda neprihvatljiva.

Ponude ponuđača „KULA MONT“ d.o.o. Zenica i „GP TECTA“ d.o.o. Travnik ispunjavaju zahtjeve iz tenderske dokumentacije, te su iste prihvatljive.

Ponuda ponuđača „M.D.I.“ d.o.o. Sarajevo nije prihvatljiva zbog sljedećeg:



Na osnovu rezultata pregleda i ocjene ponuda zaprimljena ponuda ponuđača „M.D.I.“ d.o.o. Sarajevo je ocijenjena kao neprihvatljiva ponuda, iz sljedećih razloga:

- a) Ponuđač „M.D.I.“ d.o.o. Sarajevo je u Aneksu VII – Obrascu za cijenu ponude naveo da ukupna cijena ponude bez PDV-a iznosi 9.481,00 KM, iskazao popust u iznosu 1.611,77 KM, a ukupna cijena ponude sa popustom bez PDV-a iznosi 11.092,77 KM, što je iskazano i slovima. Jasno je da je ukupna cijena sa popustom bez PDV-a veća od ukupne cijene bez popusta sa PDV-om, odnosno da nije ponuđen popust u navedenom iznosu.

U Obrascu za ponudu –Aneks II kao ukupna cijena sa popustom bez PDV-a je navedena 9.481,00 KM, PDV na cijenu ponude sa uključenim popustom u iznosu 1.611,77 KM, te ukupna cijena ponude sa popustom i uračunatim PDV-om u iznosu 11.092,77 KM.

Tenderskom dokumentacijom definisano je (tačka 25.) „Kada cijena ponude bez PDV-a izražena u obrascu za cijenu ponude ne odgovara cijeni ponude bez PDV-a izraženoj u obrascu za ponudu, važi cijena ponude bez PDV-a izražena u obrascu za cijenu ponude-radovi, član 17. stav (4) Uputstva za pripremu modela tenderske dokumentacije i ponuda.“

Iz svega proizilazi da postoji neusaglašenost ponuđenih cijena, koje dovode do nerazumljivosti ponuđenih elemenata ponude, te da se ne radi o računskoj greški, već o nepravilnom popunjavanju Obrasca za cijenu ponude.

- b) Ponuđač „M.D.I.“ d.o.o. Sarajevo nije dostavio ni popis dokumentacije koja je priložena uz ponudu - sadržaj ponude potpisan i ovjeren pečatom ponuđača, a što je zahtijevano tačkom 18. tenderske dokumentacije kao dokumenti koje ponuda najmanje mora sadržavati.

U skladu sa prethodnim ponuda ponuđača „M.D.I.“ d.o.o. Sarajevo se odbacuje.

Tačkom 23. tenderske dokumentacije predviđeno je provođenje e-aukcije u skladu sa Pravilnikom o uslovima i načinu korištenja E-aukcije (Službeni glasnik BiH broj 66/16). Predviđeno je da će e-aukcija trajati 15 minuta.

Za prethodno navedene ponuđače koji su dostavili prihvatljive ponude zakazana je e-aukcija za petak, 23.07.2023. godine sa početkom u 14:00 h.

E-aukcija je održana 23.07.2023. godine, počela je u 14:00 h, a završila u 14:15 h.

Rangiranje prihvatljivih ponuda prema kriteriju za izbor ponude nakon provedene e-aukcije:

R. br.	Ponuđač	Ukupna cijena ponude (bez PDV-a) u KM	Rangiranje
1.	„KULA MONT“ d.o.o. Zenica, Bilimišće 101, Zenica	8.500,00	1
2.	„GP TECTA“ d.o.o. Travnik, Dolac na Lašvi b.b., Travnik	8.640,00	2

Ponudač „KULA MONT“ d.o.o. Zenica, Bilimišće 101, 72000 Zenica dostavio je u predmetnom postupku javne nabavke prihvatljivu ponudu u skladu sa tenderskom dokumentacijom, koja je nakon provedene e-aukcije ocijenjena najpovoljnijom.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

Imajući u vidu sve prethodno navedeno, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), odlučeno je kao u dispozitivu ove odluke.

**Pouka o pravnom lijeku:** Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



**Predsjednica Uprave**

**Doc. dr. sci. Mersiha Slipičević, dipl. oec.**

Dostaviti:

- Učesnicima u postupku